



Program Setahun Bersama Kerajaan MADANI: NRECC sedia perkhidmatan, aktiviti menarik

Disember 3, 2023 @ 11:06am

KUALA LUMPUR: Kementerian Sumber Asli, Alam Sekitar dan Perubahan Iklim (NRECC) menyediakan pelbagai perkhidmatan dan aktiviti menarik sempena Program Setahun Bersama Kerajaan MADANI, minggu depan.

Program berkenaan dijadual berlangsung pada 8 hingga 10 Disember ini di pekarangan Stadium Nasional Bukit Jalil, di sini.

NRECC memaklumkan, antara yang disediakan bagi pengunjung di reruai kementerian itu ialah perkhidmatan mengenai Program Penghijauan Malaysia: Kempen penanaman 100 juta pokok, Kempen Selamatkan Harimau Malaya serta aplikasi Sistem Maklumat Geospatial Mineral dan Geosains Malaysia (MyGEMS).

Selain itu, pendaftaran e-bil Indah Water Konsortium Sdn Bhd (IWK) dan baja percuma, program pengurusan e-Waste serta perkhidmatan meteorologi dan ramalan cuaca.

Pada 8 Disember, kementerian akan mengadakan sesi pocket talk yang berlangsung pada jam 2.30 hingga 4 petang di pentas kedua, membabitkan tiga tajuk penting untuk rakyat.

Tajuk berkenaan ialah Jimat Tenaga 'Anda Jimat, Poket Selamat', peranan Kempen Amaran dan Ramalan Informasi Jabatan Pengairan dan Saliran (KARIB) dalam masyarakat untuk informasi ramalan banjir serta pentingnya penyelesaian pusaka demi kesejahteraan masyarakat MADANI. – BERNAMA